


河洛理數

二下



漢書門			
九	六	二	四
九	六	二	四
冊	架	函	號

庫文閣内		
三〇五函	九六二四	漢書
二三架	五	

内閣文庫		
番號	漢	9624
冊數	5	(3)
函號	305	271



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

河洛理數卷之二




華山希夷先生陳搏著

宋 康節堯夫先生邵雍述

明覃懷史應選念冲甫校訂

咸卦



○象曰山上有澤咸君子以虛受人

兌宮

世卦屬正月納甲是丙辰丙午丙申丁亥丁

酉丁未如生於正月及納甲者功名富貴人也

○初六咸其拇

此爻是不當感而感也故為咸其拇焉叶者分離異

而志高力雖微而謀遠成名於青年食祿於晚景不
叶者中年離祖身謀未遂歲運逢之京官出閑官起
進取有待而未速庶俗空遠商僧道空遊行大抵值
此爻者雖急急營求亦多難於成就

○六二咸其腓凶居吉

此爻是利於靜而不利於動者也故叶者相時而進
慮善以動上順乎君而不敢越分以要功下順乎民
而不敢違道以干譽災害不生吉祥自至不叶者志
大心高貪得無厭奔走衣食辛苦成家歲運逢之在
仕居位者叶吉差遣者有阨在士難逢嘉會在庶俗
奔波徒勞大抵空靜而不空動也

○九三咸其股執其隨往吝

此爻是主於有感則非其正矣故不免於往吝之失
者也故叶者度時而進知機而止或爲股肱執政之
大臣而悔吝不及不叶者謀巧見拙志在隨人多致
敗失歲運逢之在仕爲宰執防謫降之咎常俗爲執
幹在士子考校則隨人下而無出類之美矣

○九四貞吉無悔憧憧往來朋從爾思

此爻是能王霸之效者也故叶者剛正君子無思無
慮誠足以格君惠足以感民功業盛大爵位崇高不

叶者心多暗昧交情偏踈奔走勞役求逐不暇器宇
小成未得光大歲運逢之在仕秉公執政而遷除有
階在士小有利而未光在庶俗朋友相倚小謀可就
大用則虧心緒少安

○九五咸其脢无悔

此爻是不能感物之象而與其可以無累者也故叶
者崇尚之志而孤介以自立雖無功業以見於世亦
無尤悔以累其躬不叶者志昏量狹棄本逐末斗筲
鄙夫福氣淺薄歲運逢之在仕執一多失同僚之歡
在上進取難為在庶俗人情乖離而營謀微小

○上六咸其輔頰舌

此爻是感人以言者也故叶者有德有言或居言路
或掌詞翰必得君而行道有以來眾口之稱譽不叶
者鼓簧口以亂俗招尤啟禍塵世難容歲運逢之在
仕防譖論或遭言責在士庶為遊說為技藝為評論
為毀謗

恒卦



○象曰雷風恒君子以立不易方

震宮三世卦屬正月納甲是辛丑辛亥辛酉庚午庚
申庚戌如生於正月及納甲者功名富貴人也九月

至十二月失時爲福淺

○初六浚恒貞凶无攸利

此爻是執理而不度時勢不當恒者也故叶者定其
交而後求度其勢而後行志得謀遂亦可作貴人不
叶者不安分命不量淺深動輒阻滯謀爲偃蹇歲運
逢之在仕不得於君在士難逢知己在庶俗不通人
情而徒遑遑於路途惟靜守則免凶爾

○九二悔亡

此爻是有中德而能寡過者也故叶者執中行道歸
躬厲行見善則遷有過則改富貴福澤享之無虧且

中字是官職之名父字是長遠之義不叶者亦平生
不凶老者無疾聲名清潔壽筭最久歲運逢之在仕
謹身而無曠職之誚在士來崇德之獎在庶俗固守
而無損耗之嗟

○九三不恒其德或承之羞貞吝

此爻是不能久於其道者而深著其不善之占者也
故叶者執德不固而有隙以啟人之誚信道不篤而
有間以招人之議不叶者損行滅德失節喪名有以
來衆口之訕而無所容於天地歲運逢之在仕防諄
議之貶在士防損德之謗在庶俗防毀辱爭訟之撓

○九四田无禽

此爻是久所不當久者也故叶者或以異術見寵於朝黨或以他技而濫與其爵祿或功名早退而難久於其位不叶者謀為無實生涯淡泊佃田捕獵之子歲運逢之在仕退步在士進取者無成營謀費力而無益

○六五恒其德貞婦人吉夫子凶

此爻是以柔德為恒而不善者也故叶者是中正有德之人或得賢妻而助之不叶者權出他人拙於自謀或妻悍為家之累歲運逢之在仕多阿諛於權勢之門而招誚議在士則圖倖進而取辱在庶俗則堪家不善而多招毀謗損斥之虞

○上六振恒凶

此爻是任躁動而不知固守不能恒者也故叶者施為當於理不至於僨事制作協於義不至於越分蓋變為鼎玉鉉之象也不叶者好大喜功違法妄作紛更多事反成覆敗之禍歲運逢之在仕勞碌役志多動少靜求名望利小則有成大則無功女人不利夫子

遯卦



○象曰天下有山遯君子以遠小人惡而嚴
乾宮二世卦屬六月納甲是丙辰丙午丙申壬午壬
申壬戌借用甲午甲申甲戌生於六月及納甲者功
名富貴人也

○初六遯尾厲勿用有攸往

此爻是舉遯爻之危而戒其能遯則無患者也故叶
者先起卑微後至高大先歷艱危後享安逸不叶者
常懷憂慮動受辛苦縱有提携不能設施歲運逢之
在仕則見機解組在士則藏器待時在庶俗則營謀
速遭安常守分則免災咎

○六二執之用黃牛之革終莫之勝說

此爻是擬其固守之志者也故叶者固守素志遠絕
羣邪以中順之德見用於世必為執符黃堂近而郡
宰之官不叶者性踈志鄙歲運逢之先看根基在仕
位高者以宰執言路士人進取牛則為解星亦為黃
榜黃門黃堂黃甲之兆農人有進牛畜之喜數凶則
訟起家人牽執不悅或防下人侵侮安常守分則免
灾咎

○九三係遯有疾厲畜臣妾吉

此爻是當遯而有所係不能遯以取危者也故叶者

明哲以保其身勇退以避其難或得賢室以成其內
助之功或得童僕以足其使令之任不叶者溺于宴
安貪才悅色疾厲係纏舉動無措或下句縮奴婢連
累歲運逢之在仕有希功固寵之虞在士進取不能
成大事庶俗多疾厄驚危之禍數吉者得妻之力進
人口之應

○九四好遯君子吉小人否

此爻是決志於遯而深有望于君子者也故叶者卓
有定見確有定守出仕之早而英銳足以發其志勇
退之速而利祿不足以撓其念全身遠害福澤永遠
不叶者貪得無厭趨赴權勢或技藝立身或官幹
使或厭世無求歲運逢之在仕則告休以避難在士
則際遇非時而難於進取在庶俗雖得小人之陰庇
而終防陰禍之係纏


○九五嘉遯貞吉

此爻是美其遯之善而因以示占者也故叶者必爲
撥亂反正綱維世道之大人不叶者亦中正守已恬
淡養性平生安樂勞辱莫加歲運逢之在仕陞遷必
得嘉會在士及常人必近尊貴或招慶祉

○土九肥遯无不利

此爻是遜之裕者而嘉其保身之哲也故叶者福祿
 豐厚宅心正大而寵辱不以爲憂樂決事快便而禍
 福不以爲忻戚不叶者亦得衣食滋深而無是非
 無榮無辱歲運逢之在仕退閑在士待時在常人營
 謀獲利家肥業厚無往不利

大壯卦



○象曰雷在天上大壯君子以非禮弗履

坤宮四世卦屬二月納甲是甲子甲寅甲辰庚午庚
 申庚戌借用壬子壬辰壬寅生於二月及納甲者功
 名富貴人也在春夏福深秋冬福滋 七月八月雷未

收聲亦爲及時也

○初九壯於趾征凶有孚

此爻是妄進適以取困者也故叶者有剛明之才從
 容以觀變而不躁進以取禍含章以圖機而不遽進
 以取困名節可全身家可保不叶者恃剛妄爲無所
 顧慮困窮摧折偃蹇艱辛歲運逢之在仕則防讒邪
 之辱在士則遭倖圖之耻在庶俗則招爭訟動輟有
 悔更防足疾

○九二貞吉

此爻是得反正之道而動罔弗藏者也故叶者矯其

偏而歸於正易其過以至于中足以爲國家之重器
中字之義爲兆甚多大中給事中中書皆是不叶者
亦是穩實之人衣食饒足平生少禍歲運逢之在仕
位居清高在士進取成名在庶俗謀爲稱意數凶者
變爲豐蔀之憂

○九三小人用壯君子用罔貞厲羸豕觸藩羸其
角

此爻是恃其壯而難以免厲者也故叶者亦可爲君
子但輕天下之事爲不足爲而不能持重以觀變視
天下之人爲不足畏而不能從容以審機事雖出于

正亦不免于厲不叶者多逞血氣之剛而好勇鬪
招尤起釁損財敗家歲運逢之在仕爲禍所絆進退
難安在士取進阻滯在庶俗官訟牽連孝刑多端人
財不利

○九四貞吉悔亡藩決不羸壯於大輿之輹

此爻是反正之善而兩擬其可進之象也故叶者矯
偏從正不極其剛進無所阻而可以建功立業文章
發於青年福澤裕於晚景不叶者亦平生安逸謀爲
快便轉否爲泰出險爲夷家業豐厚歲運逢之在仕
閑散者起進取者達常人得福久靜者必動動則吉

御試占高魁

○六五喪羊於易无悔

此爻是德不足而不能進而有所為者也故叶者以柔
君中不驕不傲能以和順服強暴易艱難為平易雖
不足以建功而亦不至於債事不叶者懦而無立弱
而無為福量淺薄壽筭有損歲運逢之在仕為罷軟
荒政在士為喪名不就在庶俗為籌策莫展而一無
所利病者有喪身之兆

○上六羝羊觸藩不能退不能遂无攸利艱則吉
此爻是處壯之終而用其壯也此其所以無攸往也

故叶者能戒其輕動妄舉之失處以慎重敬謹之心
內審事理之機外順時勢之宜則善用其壯而得以
遂其進不叶者志壯才弱不量可否貪望太過常遭
危險歲運逢之在仕遭貶斥之危在士有難進之咎
在庶俗越分恃義是非爭訟纏擾而進退無措

晉卦



○象曰明出地上晉君子以自昭明德

乾宮四世卦屬二月納甲是乙未乙巳乙卯巳酉巳
未巳巳借用癸未癸巳癸卯生於二月及納甲者功
名富貴人也

○初六雷如摧如黃節闕乎裕无咎

此爻是惟前德故雖摧而終可獲吉焉叶者守義於
已不枉道以謀命於天寧寬裕以自守功名之
志終得以遂而无咎不叶者欲有謀而屢見阻在仕
則政事怠而爵難久在常人則作為拙而壽難永歲
運逢之在仕者當阻於邪議進取者不見乎於主司
而命難受常人土彼此不孚憂樂相半靜則吉而動
則凶

○六二晉如愁如貞吉受茲介福於其主母

此爻是惟有德故雖愁而終可受福焉叶者有中正
之德受大福於王母蓋當畏天命悲人窮而愁其
之不行不叶者亦是端人正士憂喜無常更變無定
多得母庇或陰貴之寵任歲運逢之在仕則進王明
在士始挫而終得在常人求謀稱意多得母力之扶
助或得妻財

○六三衆允悔亡

此爻是得同升之志而進無所抑者也故叶者同道
相孚而德行修同氣相求而德業進其始也獲麗澤
之資其終也遂彙征之願事不固於外心不歉於中
何悔之有不叶者亦誠正善士親賢友能贊助者多

仇怨者少平生安樂無憂無虞歲運逢之在仕有陞遷之美在士有薦舉之休在庶俗有得朋共事之益而營謀遂意悔亡二字防失脫人亡之兆

○九四晉如鼫鼠貞厲

此爻是德不足以稱位者也故叶者位居百僚之上但如忌者多不叶者必為無德損物之人剛狠橫狂亦無結果歲運逢之在仕見阻于諫議在上難圖倖進在常人難免鼠牙之訟

○六五悔亡失得勿恤往吉无不利

此爻是王者管無心之化而天下成大順之休者也

故叶者文章道德高出一世特立獨行不計功而自有其功不謀利而自有其利推無不準動無不化何所往而不利不叶者亦是心明志廣識遠慮深失得付之自然行止皆獲其志歲運逢之在仕遷擢有喜在士進取成名庶俗營謀獲利

○上九晉其角維用伐邑厲吉无咎貞吝

此爻是無德雖居于上而不免于伐邑國之羞故叶者以剛處勢分之極但仕不顯或作縣宰軍官蓋有邑之象也雖艱難亦無大害不叶者一生剛狠德不稱才骨肉寡合多事爭鬪或為武卒公吏歲運逢之

仕者有食邑之榮常人有修造屋宇之喜士子進取而道未光其數之凶者主有征伐爭訟之舉

明夷卦 ䷣

○象曰明入地中明夷君子以泄眾用晦而明

坎宮四世卦屬八月納甲是巳卯巳丑巳亥癸丑癸亥癸酉借用乙丑乙亥乙酉生於八月及納甲者功名富貴人也

初九明夷于飛垂其翼君子于行三日不食有攸往主人有言

此爻是見機以辟傷者也故叶者明哲足以保其身

廉潔足以飾其行見用於治朝免禍于亂世不叶志大心高動必見挫雖有功名難於食祿歲運逢之在仕為驄馬五馬之榮大則為股肱之臣謹防暗主之傷在仕則有捷報之兆在常人則有災疘手足之傷數吉則富人進馬匹之應

○六二明夷于左股用拯馬壯吉

此爻是人臣伐暴之象而戒以順天之舉也故叶者勇於進德力於行道威望重權勢大得以專征伐之柄以弔民安國不叶者多得志橫行凌上侮下罪孽叠至惟武卒軍人頗獲功利歲運逢之在仕當權有

闔帥之任在士有得大魁之喜在庶俗有災眚之招

○九三明夷於南狩得其大首不可疾貞

此爻謂上下兩傷而明照有碍之象也若不見文訟之爭亦有疾厄之苦叶者有化工元氣之全則有修屋宇造作之兆不叶其數者主左股有忌夷之所傷或乘騎千里而去必主有憂愁分張之應也

○六四入于左腹獲明夷之心于出門庭

此爻是居暗地而尚淺而猶可得意於遠去者也故叶者則必有才德履公正或執政命而為朝廷心腹之寵又文有左武有左職司門令黃門之顯不叶者

多無德行立心詭譎蠹物害民不可測度歲運逢之在閑官必任事在朝中者必出外郡久於養晦者必出身成各淹於囹圄者必脫身免禍出外營謀者必得心交之力婦人有孕必生子凶者或生心腹之疾

○六五箕子之明夷利貞

此爻是當內難而能正其志者也故叶者有正大之機謀而能明哲保身不叶者難遇知己常懷憂心經營艱難奔馳勞苦歲運逢之在仕當儉德避難在士難逢知己在常人必有家難之禍

○上六不明晦初登于天後入于地

此爻是無德之君故無以保天下之大位也故叶者志遠謀大處高位而能保當大難而知避且天者有天府天曹之兆不叶者恃勢妄行損人利己早歲猖獗晚受波濤歲運逢之在仕防擯斥之嗟在士有登天之兆後必擯斥庶人先達後阻老者窘而不壽

家人卦



○象曰風自火出家人君子以言有物而行有恒異宮二世卦屬六月納甲是巳卯巳丑巳亥辛亥辛未辛巳辛卯若生於六月及納甲者功名富貴人也
○初九閑有家悔亡

此爻是盡正家之道而家無乖戾之失者也故叶者才德廣大思慮深遠不惟能區畫營為以成其家業亦且能立綱陳紀以植其國體富而且貴福澤無虧不叶者亦是謹厚之士家給人足一生安樂歲運逢之在仕閑官者則超遷而為大夫已仕者則官帶閑處在士者進取則利於小試常人謀事有成未妻者有室家之好僧道主住持老者不利於壽

○六二无攸遂在中饋貞吉

此爻是克盡婦道而有以獲宜家之效者也故叶者有柔順之德不驕不傲平易近民而愛敬者多家道

與隆而福澤深女命則相夫益子而大成內助之功
不叶者足衣足食優游享福歲運逢之在仕則入朝
中而有光祿之秩常人必主營謀成家而有貲糧之
增士寓學中而有廩給之喜

○九三家人嗃嗃悔厲吉婦子嘻嘻終吝

此爻是取其處家之嚴而又以寬裕爲戒也故叶者
嚴整以肅其威剛斷以制其義配納整肅人心祇畏
吉而有終不叶者喜怒不常尊卑失序縱欲敗度家
業凋零歲運逢之在仕嚴而少見恕之恩在士進取
平等而未大常人憂喜相半謹防耽迷之恙

○六四富家大吉

此爻是能裕利於國而有德以致之者也故叶者有
柔順之德而居上位善能理財聚利使邦本固而民
生遂理義興而和氣治不叶者亦粟帛豐厚爲鄉里
吉人歲運逢之在仕則祿以馭富而超遷有地在士
則受賞資於考校之餘在常人謀爲沾利孤寡見親

○九五王假有家勿恤吉

此爻是大君獲內治之助而深決其家之慶也故叶
者言行以正標準當時扶持有人助贊有力勿恤其
吉而吉自來也不叶者亦主粟帛豐盈親眷和睦歲

運逢之仕路最顯進取成名常人遇貴人提携數凶者變貴於丘園有入境土之兆也

○上九有孚威如終吉

此爻是能正家於其終而吉可得者也故叶者文章高世威望服人上肅朝綱下清民俗而為天地之全人不叶者亦是剛柔相濟之碩士德業廣大福量寬洪歲運逢之在仕位高權重在士進取成名其在庶俗之人主營謀稱意在婦人必主為命婦

睽卦



○象曰上火下澤睽君子以同而異

艮宮四世卦屬二月納甲是丁巳丁卯丁丑巳未酉巳巳如生於二月及納甲者功名富貴人也

○初九悔亡喪馬勿逐自復見惡人无咎

此爻是著其失應而復得之象也故叶者德望足以起人之敬信中正足以消人之暴戾謀猷難發於初年志願大遂於晚景不叶者成立艱難遭際不遇先貧後不貧先孤後不孤歲運逢之在仕閑官復職降謫者復陞在士難遇知己而進取遲滯在庶俗營為先失而後得人事先睽而後合謹防六畜之損凶惡之患

○九二遇主于巷无咎

此爻是盡誠以事君斯於臣道無歉者也故叶者為忠臣義士上能格君心之非下能挽民俗之厚功業建而志謀遂不叶者亦善通人情而親輔贊相者多幽居間巷榮辱不加歲運逢之在仕必遇明王而陞遷有期在士必遇主司而進選有賴在庶俗必遇知己而營謀遂意

○六三見輿曳其牛掣其人天且劓无初有終

此爻是與始睽而終合者也故叶者稟性最敏見事生疑始雖見忤於人而束縛其施為終必見合於人而求謀無不順不叶者多在車前馬後驅役刑傷先受勞苦後享安樂歲運逢之在仕防眈邪之阻在士考校則取於既遺之後而有登天府之兆在庶俗進望有阻險中求安先迷後順數凶者有骨肉刑傷之厄

○九四睽孤遇元夫交孚厲无咎

此爻是得其所遇而深勉其慎所處也故叶者有拔萃之才善於交際得良朋益友之贊助而撥亂反治轉睽合一之事業可立先孤後不孤先逆後不逆女子得之為命婦受誥不叶者孑然自立謙恭持已始

雖睽離終得際遇歲運逢之在仕得同志薦拔在士則見遇於主司求婚者必配處危者身安遇閑者志行外圖者先阻後順

十○六五悔亡厥宗噬膚往何咎

此爻是君臣相合之易而利有攸往者也故叶者德重位尊謙恭下士而得賢能輔助立功各享富貴不叶者多承祖宗恩澤生來受用不勞已力出而營謀多遇知己但骨肉有噬齧之傷歲運逢之在仕必有除拜之勞在士必有登魁之應庶俗經營獲利擡舉有人未婚者配數凶者親朋怨惡骨肉刑傷官事牽

連

○上九睽孤見豕負塗載鬼一車先張之弧後說之弧匪寇婚媾往遇雨則吉

此爻是與應始異而終同者也故叶者負剛明之才過明而察過察而疑初涉艱難終見平易或重叠婚姻或兵立功又兩者福澤利人濟物之兆不叶者為孤獨為污濁虛詐乖戾是非不一聚散無定歲運逢之在仕遭謗怨之謫在士進取先迷後得在常人遭污受誣先損後益

蹇卦



○象曰山上有水蹇君子以反身修德

兌宮四世卦屬八月納甲是丙午丙申丙辰戊申戊戌戊子如生於八月又納甲者功名富貴人也

○初六往蹇來譽

此爻是時有不可進而人亦所當止者也故叶者大才清譽善處逆境見險能止明哲保身初雖偃蹇終有濟遇不叶者循途守轍甘貧樂道歲運逢之在仕來獎譽之加而制誥之有待在士則待時而進在常俗則惟安守舊安常

○六二王臣蹇蹇匪躬之故

此爻是盡誠以事君者也故叶者孝親忠君竭力效誠豈菲才末技所能為不叶者父子同受艱辛夫妻共甘寂寞潔身清慮鄉里欽仰歲運逢之在仕則效忠貞之節以靖國家在士則所遇非時而難進取在庶俗則涉艱歷險而營謀有阻數凶者難以保身

○九三往蹇來反

此爻是時不可進而義亦所當止者也故叶者見幾相時得人贊助或居內翰內舍中書省治中中順之職而安樂自如不叶者改過自能外立歸宗守祖生涯或得內助歲運逢之在仕入朝進取利會試位高

者必翰林中書庶俗有妻子之喜數凶者變比六三
刑尅損傷

○六四往蹇來連

此爻是時雖不可進而義不容已故連下合力以濟
者也故叶者親賢下士同心者多協力者衆而拯溺
亨屯興袞撥亂之有賴或上承祖愛下續賢嗣功名
不虛福祿允當不叶者道克事實得人贊助平生安
逸或婚姻嗣接續歲運逢之在仕連接歷陞之無阻
求名望利皆有實而不虛數凶者牽連訟非動止蹇

○九五大蹇朋來

此爻是人臣當蹇之重而深慶其助之者也故叶者
行道執中虛已守正明王道信任良朋協從而轉否
爲泰易亂爲治不勞力而自成且中字之義則爲大
中中丞中書之兆不叶者身家雖困常得良朋助力
提携幹事中節先蹇後泰歲運逢之在仕外郡者必
擢清要進取者多用關節而中式或入大學之選營
謀者好人提舉無往不利

○上九往蹇來碩吉利見大人

此爻是有可進而義當從乎君者也故叶者大才碩

德篤志事君勲業著于當時譽望昭于千古不叶者
依附尊貴卓然生涯內助有人平生安逸歲運逢之
在仕必入內台內翰進取成名庶俗近貴獲利

解卦



○象曰雷雨作解君子以赦過宥罪

震宮二世卦屬十二月納甲是戊寅戊辰戊午庚午
庚戌庚申生於十二月及納甲者功名富貴人也又
二月及八月雷雨及時福重九月至正月失時福淺
本命月卦不在此論

○初六无咎

此爻是有相濟之德斯可以寡過者也故叶者剛柔
相濟寬猛得宜既足以立渾厚之體而不至多事以
擾民亦足以立清名之功而不至廢事災難解而福
澤深不叶者立心平易舉措得宜知己扶佐受用無
窘歲運逢之在仕德位相稱而陞遷有機在士有登
科之喜未婚者合經營者濟

○九二田獲三狐得黃矢貞吉

此爻是得去邪之善者也故叶者中正不偏德高望
重擯斥奸邪扶植善類上有以成君德下有以正民
俗而爲一代之元老不叶者亦能親賢遠奸田產豐

裕婚姻重結或虞夫矢人亦足衣足食歲運逢之在
仕有為三孤三公黃門黃堂之兆在士有為二甲三
甲黃榜之應又矢者薦也有薦拔薦舉之佳在庶俗
有進田產之慶或武將有征獵之舉又利更改三謀
三就之吉事也

○六三負且乘致寇至貞吝

此爻是無德而有位禍不能免者也故叶者或起卑
微而受富貴保固周密寇害難侵不叶者專行險詐
竊濫貪謀有玷名教醜辱可耻招尤啟釁舉止無措
婦人值此尤為不堪歲運逢之在仕防擯斥之虞在

士防謫降之辱在庶俗防寇盜訟非之擾乘字士人
有中選者但禍不旋踵

○九四解而拇朋至斯孚

此爻是嚴以絕邪斯同道合志者也故叶者為人正
端遠絕羣邪而與良賢相協相助于廟廊之上所謀
無不遂所行無不成不叶者不能遠小人以親君子
器宇不洪事功有限歲運逢之在仕防朋黨習狎之
禍在士防淫朋荒德之損庶俗防奸黨失事之尤

○六五君子維有解吉有孚于小人

此爻是君子黜惡之有獲而因示其去惡之多力也

故叶者秉公持正進賢良退不肖國家賴以清寧生民賴以安息而功業之大非小補者比不叶者誠信足以協上上之心慈惠足以得小人之力德業隆盛福量寬洪歲運逢之在仕多居要路擯斥奸邪或兵伐重權以立功士子成名常人獲利訟者釋而疾者愈

○上六公用射隼於高墉之上獲之无不利此爻是擬以解悖之象而因以與之者也故叶者才大志高望尊名重有文以綏大平有武以戡禍亂而為功勳之大臣不叶者亦高堂大厦享福優游上為

君子之推重下為小人之畏承歲運逢之閑官超遷兵師之功士子中舉有一鶚橫空之兆常人多葺門墻謀為獲利仕途必獲薦剡

損卦



○象曰山下有澤損君子以懲忿窒欲

艮宮二世卦屬七月納甲是丁巳丁卯丁丑丙戌丙子丙寅生于七月及納甲者功名富貴人也

○初九已事遄往无咎酌損之

此爻是嘉其友道之盡而示以進言之機者也故叶者宣力王室而不為身謀之便隨機應變而不失其

河洛理要 卷二
淺深之宜事功顯越名譽著聞不叶者雖有才德設
施亦難巧於人謀拙於自爲欲進不達欲退無機奔
走衣食福量虧損歲運逢之在仕則國爾忘家而天
寵之日加在士則上人合志而必得優選在庶俗則
會計允當而利無不獲數凶或因酒食費事

○九二利貞征凶弗損益之

此爻是示以守正之道而因大其效者也故叶者含
章以守貞安土以敦仁雖不能興道致治以顯事功
於朝廷亦足以致頌者廉懦者起以維風俗於海宇
不叶者敦本尚實不務浮華財用隨足終身無損歲
運逢之在仕固守已職而難遷在士確守常業而難
進庶俗則謹守常度而難于遠謀

○六三三人行則損一人一人行則得其友

此爻是交友多擇其類者也故叶者取仁以爲輔擇
善以爲資不惟能共成德業而下有益于已亦且共
贊乎皇猷而上有益于君不叶者亦善交際扶助得
人而營謀易就福澤無損歲運逢之則仕同寅協恭
而政事舉在士則同道爲朋而有麗澤之益或遇知
已而進取陞騰之有賴在庶俗則協力者衆而營謀
獲利者多未婚者配合僧道領衆

○六四損其疾使遄有喜无咎

此爻是示以反性之學而因言敏以圖之爲貴也故叶者勇于從善樂于改遷置身於高明正大之域而不流于小人之歸功名成就福澤深厚不叶者有疾速醫有過速改早年艱過心晚景平康歲運逢之有災者免有疾者愈晦者明憂者喜閑官將起士人有喜庶俗獲利

○六五或益之十朋之龜弗違元吉

此爻是以德而居尊位而必著其得賢弘治之益者也故叶者虛中無物得賢才之協力君心得而治道成人之心歸而天命眷富貴福澤爾職爾昌不叶者亦有譽望出羣而爲鄉邦所景仰榮身起家慶祉益增歲運逢之在仕職美近天顏士人進取中選占高魁常人大發天財與卦小異須防孝服

○上九弗損益之无咎利有攸往得臣无家

此爻是與其益下之善而勉以得正之道者也故叶者存心於天下嘉志於窮民德足以立功勲祿足以享富貴不叶者不貪不謀自得飽暖親近尊貴多好遊談或爲商旅獲利或爲僧道成家歲運逢之在仕民心歸而天寵固在士則有得志之喜在庶俗則得

地利之多貴人扶持出外无利

益卦

○象曰風雷益君子以見善則遷有過則改

巽宮三世卦屬七月納甲是庚子庚寅庚辰辛未辛巳辛卯若本命生於七月及納甲者富貴功名人也又二月至八月生者福重余月福淺

○初九利用為大作元吉无咎

此爻是報效於君固多大有所為而尤多善有所為也故叶者任大事建大功周悉畢全而為經久之良圖上有以益於君下有以利於民不叶者亦有善德

良才安時處順或大有作為而小有耕作而家興業舉歲運逢之在仕必有遷擢進取者必中大魁且大字之義為兆甚多大夫大師大中是也僧道則有大德大師之說庶俗則有大謀大有大稱心之義

○六二或益之十朋之龜弗克違永貞吉王用享

于帝吉

此爻是君臣受益之善者也故叶者虛中無私良朋類集上為君寵下為民慶或得王官或得高年或為配享不叶者守已奉上活計長久利官近貴受用頗足歲運逢之仕途榮遷在士進取成名商賈獲利享

祀獲福

○六三益之用凶事无咎有孚中行告公用圭
此爻是示以盡臣道而慰君心者也故叶者為忠臣
烈士必當危難而盡心竭力有益于生民有益于風
教考其中字公字圭字之義而官職顯然矣不叶者
操危慮深動心忍性出險為夷易危為安尊貴信用
福澤晚受歲運逢之在仕朝貴大用兵將立功士子
成名選人改秩庶俗獲利數凶者有非常之凶官灾
劫忌

○六四中行告公從利用為依遷國

此爻是人臣有益下之德而君臣皆信從之者也故
叶者公平正大建功立業上得君寵下副民望而為
一世之勲臣不叶者亦能幹辦遂意創業維新歲運
逢之有仕責任之重而得君寵渥在士則得上人薦
舉而名可成就在庶俗則有修造遷移之喜訟者利
官得伸

○九五有孚惠心勿問元吉有孚惠我德

此爻是益下者而著其誠心誠應之機者也故叶者
才猷足以輔國利澤足以感民功名利達福祿豐盈
不叶者亦厚仁存心恩惠及物有優游厚福或為僧

道有聰惠之譽或為商賈有惠我之利歲運逢之在仕入要津逢明主在士進取者成名常俗營謀稱意僧道住持卑賤謁尊貴多有知遇

○上九莫益之或擊之立心勿恒凶

此爻是求人之益者而至于或擊之則人之報怨者多矣故叶者貪才損物圖名獲利立心有恒禍可苟免不叶者險詐利已損人灾禍並至身家難保歲運逢之在士有貪謀之謫在士有奪競之辱在庶俗有專利取怨之禍刑剋損傷之慘

大卦



○象曰澤上於天夫君子以施祿及下居德則忌坤宮五世卦屬三月納甲是甲子甲寅甲辰丁亥丁酉丁未借用壬子壬辰壬寅如生於三月及納甲者功名富貴人也乾兌二體屬金若生於秋月亦為及時也

○初九壯於前 往不勝為咎

此爻是君子不能慮勝以決小人而不免有激變之危者也故叶者觀時以尚往見危而知避雖不能行道濟世亦能全身遠害不叶者無德而逞志誇能處下而爭高仰蒲禍患叠生摧抑難支歲運逢之在仕

遭躁動之斥在士招倖圖之尤在庶俗懼妄行之患

○九二惕號莫夜有戎勿恤

此爻是有備斯可以無患者也故叶者整治于未亂保邦于未危中道足以服眾威望足以禰暴文中成名武中有功不叶者多謀多變憂喜不常或因功而得祿或從戎而得名歲運逢之在仕多掌兵戎之權在士進取武選為高在庶俗多驚危憂號寇盜之事

○九三壯於頄有凶君子夫夫獨行遇雨若濡有

愠无咎

此爻是决小人過于剛而因示以善處之道者也故

叶者才大志剛機深慮遠為國除害而上有補于朝廷為民除弊而下有補於風俗功名遠大奸暴消除不叶者好勇鬪狠招尤啟釁孤獨寡親常懷憂懼歲運逢之在仕有除奸反噬之殃在士有含愠違世之嗟在庶俗有爭訟結構之虞大抵從正則吉從邪則凶宜見幾初見艱難終受安靜

○九四臀无膚其行次且牽羊悔亡聞言不信

此爻是去小人而未能而因示以善决之術者也故叶者才德頗高智識稍大立功而不逞能以爭先聞善而能樂聽以信從志得謀遂功成名舉不叶者執

迷不明謀為頓挫或聾跛不便或牧養生涯歲運逢
之在仕有才力不及之謫在士進不落后惟初利于
殿試益贅字夫月有殿頭之兆在常人必有爭訟杖
責之虞或瘡痍耳足之阨蓋以且者不前之意也

○九五莧陸夬夬中行无咎

此爻是人君能決小人而不勇而因戒以必決之為
善者也故叶者見明而不墮於小人之奸中道而不
激乎小人之變上肅朝綱下清民俗事功宏大福澤
遠深不叶者畏縮而多欠乎果斷偏僻而不合乎中
道好行小惠灾青莧測歲運逢之在仕防柔邪之侵

害在士進取小利而未光久淹者必通閑官者必復
任在庶俗營謀遂意訟者伸而疾者愈

○上六无號終有凶

此爻是小人之黨類已盡而灾不能退者也故叶者
雖為富貴多恃高壓眾盜物弄權陰賊良善終不遠
大且變為亢龍亦有悔矣不叶者人已相忌舉目無
親動則有悔終不能長久歲運逢之在仕難于久任
而勇退為佳在士難于進取而藏修為愈在庶俗難
于營謀而安常為公夫甚則骨肉刑剋是非括撓老难

于壽

河洛理數 卷一
姤卦



○象曰天下有風姤后以施命誥四方

乾宮二世卦屬五月納甲是辛丑辛亥辛酉壬午壬申壬戌借用甲申甲午甲戌生于五月及納甲者功名富貴人也

○初六繫於金坳貞吉有攸往見凶羸豕孚蹢躅此爻是戒小人當自守者也故叶者學古之勤行道之力雖不能設施以建立事業亦善區畫而修身保家不叶者才短力微妄行取困歲運逢之在仕有貶逐之虞在士有難進之憂在庶俗或遇尊貴信用或得金帛進人或陰人必得生育數凶者防疾訟憂陰人不潔之事

○九二包有魚无咎不利賓

此爻是以君子而遇乎小人以能止爲正者也故有包魚之象叶者有人才寬量容物愛民得賢者佐助民心服從不叶者即吝富人不好賓朋損人益己固執不通歲運逢之在仕則遷除有錫金魚銀魚之兆在士則門下無人而難於賓興之選在庶俗有金帛水利之多或進奴僕婦人有孕

○九三臀无膚其行次且厲无大咎

此爻是以剛而與人無所遇也故不免於厲焉叶者以之求名則不足以之營家則有餘蓋變爲訟三爻食舊德之象或承祖恩或守田業無初有終不叶者孤立無助作事艱辛或腰足生疾福量淺狹歲運逢之在仕退步遭謫在士子進取惟利於殿蓋臀字去月字有殿頭之兆故也庶俗則有灾青杖責之虞

○九四包无魚起凶

此爻是遇民者失其正故有無魚之凶者也故叶者貴而無位高而無民知機固守可免灾害不叶者求名望利多失機會孤立寡與奴僕少力歲運逢之在仕有擯斥之殃在士有停降之辱在庶俗有訟爭是非之擾在老者不利于壽

○九五以杞包瓜含章有隕自天

此爻是以陽制陰而示以靜制之道者也故叶者寬洪大量包納羣生文章克積志不舍命而富貴利澤爾職爾昌不叶者亦學問之勤器量之大雖無爵祿之榮亦可成其富有之業歲運逢之在仕棟梁之材以者加秩章字爲平章之類天字有登天府受天恩之兆常人必遇尊貴提携而所獲出于非望婦人有孕育之喜數凶者損壽

○上九姤其角吝无咎

此爻是以剛而與人無所遇故不免於吝者也叶者高名清譽出萃冠倫忠言正論多阻于邪議而祿位不穩不叶者氣大志剛不近人情結仇構怨勞碌不暇歲運逢之在仕必為僚長防過高之請在士進取必居魁首僧道住持常人獨立無助營謀艱辛

萃卦 

○象曰澤上於地萃君子以除戎器戒不虞

兌宮二世卦屬六月納甲是乙未乙巳乙卯丁亥丁酉丁未借用癸未癸巳癸卯生于六月及納甲者功

名富貴人也

○初六有孚不終乃亂乃萃若號一握為笑勿恤

往无咎

此爻是戒違眾以從正則無妄聚之失矣故叶者執已見而聽乎讒言改過而必從乎正道廣大之業可保于無虞不叶者憂喜不常邪正不定德薄行虧成立艱辛歲運逢之在仕必遭貶逐在士則遭蹇難在庶俗有小人結構受誣之危大抵皆先凶後吉戒之為是

○六二引吉无咎孚乃利用禴

此爻是得人事君之誠而因著卜祭之占者也故叶者寬洪以擴其量忠直以事其心推賢簡能引善率德明足以事君而德修道行幽足以格神而德盛福隆廟廊著跡海宇流芳不叶者亦存心誠實交接好人多得尊貴接引謀爲利達福澤無虧歲運逢之在仕得人引薦必有陞除中字有大中中順中奉給事中之兆在士主得上人引拔而登庸有賴在庶俗之人營謀得好人提舉謀爲遂意

○六三萃如嗟如无攸利无咎小吝

此爻是萃於二陰萃非其正也故必往而勿恤其羞

故叶者志謀遂而四海爲家協力者衆而生涯利達不叶者六親冷淡家業寂寥離祖外立方得遂志歲運逢之在仕難萃于朝而歷在遠方之爲艱在士進取難逢佳會在庶俗家不安寧六親有損老者凶也

○九四大吉无咎

此爻是大臣有君民之寄者也必盡其道而責斯塞焉故叶者秉鈞執政敷道弘化上有以致君下有以澤民而萃太之昌可保於無咎不叶者雖有才志無德可守非凶于國必害于家歲運逢之在仕防猜忌之謗弃高就下急流勇退爲吉在士進取有不當之

谷在庶俗謀爲不從正道皆難免禍惟大德君子方可改過得福

○九五萃有位无咎匪孚元未貞悔凶

此爻是著其君位之隆尤必戒君德之修也故叶者祿重位高不以爲榮士從民悅不以爲樂常存敬畏富貴永久不叶者亦能反身修德雖無爵士之榮亦能致其家業之興歲運之逢之在仕則人心未孚而志未光在士有道德未修之歉在庶俗則人情不合而營謀有阻

○上九齋咨涕洟无咎

此爻是無才無位得天下之萃者也故不免於懼叶者治而不忘亂安而不忘危雖無所利萃而尤可以自保雖無所利而尤可以免害不叶者懦弱無爲憂愁度日孤立無助碌碌小就歲運逢之在仕進前不穩事多煩擾不能安靜或上下逼迫長幼憂愁退悔嗟悲名利成虛壽筭不永

升卦



○象曰地中生木升君子以順德積小以高大

震宮四世卦屬八月納甲是辛丑辛亥辛酉癸丑癸亥癸酉借用乙丑乙亥乙酉生于八月及納甲者功

各富貴人也

○初六允升大吉

此爻是進而有助者而深幸其得君行道也故叶者有謙恭之德獲上人援引之助功名利達必為國家棟梁不叶者亦善通人情扶持者多謀為遂意家業興旺歲運逢之在仕超遷在士高薦庶俗營謀稱心

○九二孚乃利用禴无咎

此爻是誠實上交之象而著其享祀之吉占者也故叶者大才大德誠實中正上有以得君下有以得民功業丕顯志願大行不叶者立心以誠結交以正清名日著德業興隆歲運逢之在仕有陞或為祭酒配享之職士子成名常人喜疾者安而用者達數凶者有喪祭之兆

○九三升虛邑

此爻是仕進之易者也故叶者南征以從王之事而進無所摧奮庸以熙帝之載而動無所括大則當要路小則食邑都不叶者亦謀為遂而無所阻家業興而無所虧或道習清虛身居空洞歲運逢之在仕陞遷必居大郡在士成名在庶俗營謀遂意數凶者變為師或輿尸之象

○六四王用享于岐山吉无咎

此爻是王者祀神之誠而獲福者也故叶者柔順之至誠信之極明足以格君而得恩光之隆幽足以格神而得福澤之深功名顯達志願大遂不叶者誠實足以動人求謀無阻家業興隆歲運逢之在仕得君而陞必高在士用賓于王而名成在庶俗必得山林之利隱者有山水之樂僧道獲祭享之益數凶者有歸山塚追祭之兆

○六五貞吉升階

此爻是人君守至正以臨民而有以致天下之順治者也故叶者科甲登于少年功業建于朝廷志量大得福星寬洪不叶者亦守道立身進取有為動皆合志德業日新歲運逢之在仕超遷在士高薦庶人謀遂得志

○上六冥升利于不息之貞

此爻是速于上升而不知止者也故叶者為君子進德修業有忠鯁清度之美譽不叶者為小人貪利之切難免辱身之禍歲運逢之在仕告休在士反身修德庶俗有貪得不厭之禍數凶者有幽冥之非

困卦



○象曰澤无水困君子以致命遂志

兌宮二世卦屬五月納甲是戊寅戊辰戊午丁亥丁酉丁未如生于五月及納甲者功名富貴人也

○初六臀困於株木入於幽谷三歲不覿

此爻是無濟困之才終於困而不能自拔者也故叶者有爲有守雖不能見用于世亦爲一世之高士而幽岩之無辱不叶者爲懦弱之才爲昏暗之質明不能以有見困不能以自拔歲運逢之在仕退職在士待時庶俗有驚憂服制之患

○九二困於酒食朱紱方來利用享祀征凶无咎

此爻是有剛中之德而無其時故不能以成濟困之功叶者有才有德必居高位必享厚祿明足以感結乎人君幽足以感格乎神明雖無拯溺之力亦免犯難之凶不叶者性多偏僻貪食好酒必入幹干朱門或爲師巫足食足衣但不能遠謀大成歲運逢之在仕墜遷或爲祭酒方面配享中丞中奉中書之類閑官必起天書自來士人有慶庶俗得貴人提携營謀獲利靜吉動凶數凶者有喪祭之兆

○六三困于石據于蒺藜入于其宮不見其妻凶此爻是無才德以濟困而身不能保者也故叶者多

灑身山林與木石居或入于宮門而爲閹人雖無妻
子之慶尤得保身之術不叶者無才無德出入頓挫
身孤勢危大困急迫歲運逢之在仕有入清禁之兆
在士有入棘園之喜但恐遭妻妾之變數凶者名辱
身危死期將至况有妻子之可見乎

○九四來徐徐困於金車吝有終

此爻是才弱不足以濟初之困而終有相與之分也
故叶者成名雖早食祿尤遲士進有難于速得遇有
難于近其金字之義有金榜金門金階之兆不叶者
先難后易或依附權勢而後有立或受制尊貴而不
得自尊謀爲阻節終有受用歲運逢之閑官超越事
有兼權而不勝其叢挫之憂在士進取多綴未榜在
庶俗謀望有頓挫之禍而終有出險之喜爲商者爲
金車而遭困

○九五剽剛困于赤紱乃徐有說利用祭祀

此爻是本其德之足以濟困與其誠之足以格神也
故叶者勤於學古力於行道始焉進取艱阻終則機
會適逢或居言路以罄其中直或爲大臣以配享其
祭祀不叶者亦先受艱辛後享安逸或骨肉有刑或
身體有虧歲運逢之在仕則先阻後順或爲奉直中

奉社令祭酒祭祀之總士子進取先逆後順庶俗營
謀先挫後獲數凶者有訟刑之擾喪祭之兆

○上六困于葛藟于臲卼曰動悔有悔征吉

此爻是無濟困之才德而示以善反之道者也故叶
者改過以復于善易惡以至于中才足以援其危危
足以濟其困不叶者心至柔暗身處困極縛束而不
能解危懼而不能安或離祖遠方方可成立歲運逢
之在仕防刑罰縛束之虞在士防停降之辱在庶俗
防憂驚服制之危惟商旅則利有攸往

井卦



○象曰木上有水井君子以勞民勸相

震宮五世卦屬三月納甲是辛丑辛亥辛酉戊申戊
戌戊子如生於三日及納甲者功名富貴人也

○初六井泥不食舊井无禽

此爻是無德而爲世所棄也故叶者有才有德而難
逢機會未見其名利之遂恒嗟其道德之窮不叶者
身處卑下汚濁昏昏成敗無定終爲廢才甚則下有
痢疾上有隔氣之終壽歲運逢之在仕退閑求名者
不遂營謀者阻滯數凶者棄世

○九二井谷射鮒甕敝漏

此爻是德足于已而功不足以及物者也故叶者文章德道屈處困時難逢明王養道全真樂天知命不叶者學業之寡名利之薄或生癘疾或見妬忌損漏之多僅能養家歲運逢之在仕宜退處以自養在士宜藏器以待時在庶俗宜謹守以避禍

○九三井渫不食爲我心恻可用汲王明並受其

福

此爻是惜其未爲世用而逆許其見用之功也故叶者德足以來明主之川惠足以濟斯民之窮功名利達福澤豐隆不叶者真不受祿富不受用一等莫展常懷憂戚歲運逢之在仕難逢明主而見機解組之爲佳在士難逢佳會而養晦俟時之爲美在庶俗安常守分之爲吉值數之凶者主有憂慘之兆

○九四井甃无咎

此爻是惟知自修之象而僅許其得獨善之道者也故叶者有謹厚之德無果斷之才雖未能建功立業以鳴國家之盛亦能任心養性以盡成己之美不叶者善于會計難于際遇外節雖可觀內虛則可憫歲運逢之在仕條陳利害而修政立事之爲尚在士則窮經學古以待用常人則耕田鑿井以厚生或有造

屋修築之兆


○九五井列寒泉食

此爻是德全於已而功及於物者也故叶者經濟之術素具于已而德澤之施普及於物功名富貴並隆無虧不叶者清才達 守義安貧歲運逢之在仕則德位兼隆而膺天寵在士則名利兩全而有登薦之美在庶俗則營謀遂而獲利

○上六井收勿幕有孚元吉

此爻是著其德澤及物之普而示以有本之治者也故叶者實德裕于已而木之治自足以縛潤澤之恩至誠根于心而有體之用自足以敷沿蕩之化事功隆于當時而名譽昭于千古不叶者亦養之裕而積之厚雖無鍾鼎之榮亦有陶朱之產歲運逢之在仕則功高德厚而高遷在士則道全德備而名成在庶俗則才用充足而謀遂

革卦



○象曰澤中有火革君子以治曆明時

坎宮四世卦屬二月納甲是巳卯巳丑巳亥丁酉丁亥丁未如生于二月及納甲者功名富貴人也

○初九鞞用黃牛之革

此爻是無變革之任故以不革爲革者也故叶者雖有才敵而多阻于職業之未就安當守分居易以俟命不叶者自處卑下執一不通雖無禍患鄙陋可耻歲運逢之在仕保位不可懷出位之思在士安已不可圖倖進之舉在庶俗謹守常度不可存妄作之念

○六二已日乃革之征吉无咎

此爻是從容以觀變得善變之道者也故叶者能察乎時勢能燭乎事機通變以宜民創立于一人達諸四海而不悖更化以善治建立于一時傳諸萬世而無窮上承君寵下係民望不叶者亦存心忠厚處事得宜革先人之弊緒成一代之規模在仕遷職士子成名庶俗多喜事之作

○九三征凶貞厲革言三就有孚

此爻是當革之任病於燥而貴於審者也故叶者從容周密相時以更其弊持重詳審以觀其變事功崇高功名遠大羣情允協百代欽仰不叶者輕舉妄動成少敗多卓立艱辛營謀頓挫歲運逢之在仕有躁動失政之謫在士有復試三就之舉在庶俗多紛華之擾安不一數凶天折

○九四悔亡有孚改命吉

此爻是協民心以革政斯治道難新者也故叶者道
大德宏謀遠志高補弊救偏以成莫大之功名革故
鼎新以成可以之制度上有以叶乎君心下有以乎
乎民情命字有爵命壽命之吉兆不叶者宅心忠厚
區畫有方先難後易改祖外立生涯柰又歲運逢之
在仕者陞遷之驟在士有登荐之榮在庶俗有增美
之吉改命二字亦有深意

○九五大人虎變未占有孚

此爻是有革命之象而因示以順民之情者也故叶
者奇才重望出類超羣制禮作樂以成百代之規修
改明刑以闡百王之秘虎榜龍池特其餘事不叶
福力之厚聲價之高見事無疑行不負志歲運逢之
在仕有超遷之榮在士有高薦之喜在庶俗幹為有
變通先顯之休惟賤士陰人不利餘皆吉兆

○上六君子豹變小人革面征凶居貞吉

此爻是變革之后革道之成也而其占必欲其居貞
焉故叶者下修已德文章有豹變之美上從君命爵
祿有榮膺之休不叶者作聰罔法率意妄為強貪不
厭禍患迭生歲運逢之未仕者進秩已仕者退閑在
士有文蔚之喜而名必成庶俗有守法之心而患害

免革面主是非

鼎卦 ䷱

○象曰木上有火鼎君子以正位凝命

離宮二世卦屬十二月納甲是辛丑辛亥辛酉巳酉
己未巳巳如生於十二月及納甲者功名富貴人也

○初六鼎顛趾利出否得妾以其子无咎

此爻是德足以革故而從新者也故叶者舍己以從
人屈己以受善非于進德修業以淑在我之身心且
能革弊改舊以新天下之耳目文章發于少年福祿
隆下晚景不叶者多改祖外立先逆后順各輕利重
有妾有子歲運逢之在仕有因敗致功之美而遷職
在士有因賤致貴之休而成名在庶俗有因人成事
之益或得妾或生子憂者喜賤者貴

○九二鼎有實我侏有疾不我能即吉

此爻是能以道而自守必著其象而善其占者也故
叶者有陽剛之才德居大臣之正位如鼎之實可薦
于上帝奉王公養天下所以為宗廟之重器也不叶
者秉性敦厚謀為篤實家基豐富得人妬忌歲運逢
之在仕執正秉公謹防讒邪之謗在士雖有學而難
逢知己營利者雖有獲亦當防外擾下人侵害之禍

或時沾小疾而無害

○九三鼎耳革其行塞維膏不食方雨虧悔終吉此是鼎爻之賢擬其睽于始而合于終也故叶者德蘊于已而克積之有素但嘉會難遇而科第多阻于初年然大德不廢爵祿終膺于晚景不叶者有德不能見用有才不能施行或足疾而艱于步或悖義而專于利早歲艱辛晚景安逸歲運逢之在仕多阻于邪議而始摧終得在士則難于進取在庶俗營謀多無初有終老者受福幼者少遂

○九四鼎折足覆公餗其刑渥凶

此爻是大臣用人之非以傾覆國家者也故叶者非為大臣但委任非人必有累已之禍不叶者有才無德棄正從邪恃強妄作成敗無常破祖外立聚散不一歲運逢之在仕有貶逐之虞在士有難進之失在庶俗有破損之灾或生足疾數凶者拆壽

○六五鼎黃耳金鉉利貞


此爻是擬其任賢圖治之象而勉以克終允德之占焉故叶者德重位尊虛已納賢上以承天寵下以係民望不叶者亦秉性忠直善通人情家業豐厚福量寬洪歲運逢之在仕進則吉兆甚多蓋鼎有三台之

象黃字有黃甲黃榜黃堂金字有金魚金榜金紫中
字有中奉大中給事中之兆治中中書省之應商農
獲利僧道住持

○上九鼎玉鉉大吉无不利

此爻是鼎之居上者象其德之美而要其功之成也
故叶者為富為貴知進知退左選則為玉堂右選則
為建節女子可為節婦命婦不叶者清名重望隱避
岩谷金玉滿籬福澤深遠歲運逢之在仕未仕者進
職已仕者退閑在士子有高薦之喜在庶俗安穩
達而謀成數凶者身亡但德小者不能當之

震卦



○象曰洊雷震君子以恐懼修省

震宮一世卦屬十月納甲是庚子庚寅庚辰庚午庚
申庚戌如生于十月及納甲者功名富貴人也

○初九震來虩虩後笑言啞啞吉

此爻是知所懼而懼焉故後可以有則也故叶者稟
剛大之才文章足以補袞威望足以服眾事功遠大
爵祿崇高不叶者亦能恐懼修省先涉艱辛後享福
祉次則或疾失為喑啞歲運逢之在仕有先驚後喜
之應在士有一鳴驚人兆有為縣宰社令圭祭之

職在庶俗多有虛驚后或進喜

○六二震來厲億喪貝躋于九陵勿遂七日得此爻是知所懼而懼故終可以有得者也故叶者有才重望深思長慮遭事變而有轉移之術懼禍害而有區畫之謀雖不能創立新居亦能守保舊業不叶者履危險而不知避貪貨貝而不能舍常慮常憂奔馳四野先逆後順先危後安歲運逢之在仕有遭陰險奸邪之虞在士有先迷後得之兆在庶俗有爭訟失脫之虞老者壽險少者心驚七日者乃刻期之應

○六三震蘇蘇震行无眚

此爻是無德致禍之象而示以改過之端者也故者安而不忘危治而不忘亂雖不能奮發勇爲以擴其事業亦能恐懼修省以保全其常分素位而行清修日著不叶者柔懦不能立驚惶失志進退無定利名皆虛歲運逢之在仕有尸位之誚在士有廢業之患在庶俗有災害憂懼之損謹戒之免凶耳

○九四震遂泥

此爻是從欲惟危者也故叶者節其欲而不至於流損其過而不至于溺雖不能設施以成其光大之業亦可以圖存而保其陷溺之危不叶者局處卑下乖

失正體塵泥汨沒生涯淡薄歲運逢之在仕有貶逐之危在士有停降之禍在庶俗卑污苟賤而一籌莫展甚至縲紲拘係而無光亨之日

○六五震往來厲億无喪有事

此爻是無才固不免于厲矣而求之有德則能知懼者也故叶者才不足而德有餘能保其前人之業圖治匡世之績足以振丕顯不叶者存心忠厚保固圖存早年奔馳晚景安逸歲運逢之在仕常職可保在士守其固有在庶俗有虞或手足之憂

○上六震索索視矍矍征凶震不于其躬于其鄰

无咎婚媾有言

此爻是無才固不免于凶矣故叶者患未至而先備害未來而先防威望服于鄉隣而身家可保不叶者不能謹畏強狠招禍妻妾不和狀貌委靡歲運逢之在仕防謫貶在士防停降庶俗有防則免禍害震驚之憂修之則吉或夫婦有刑親鄰遭難

艮卦

○象曰兼山艮君子思不出其位

此艮卦屬四月納甲是丙辰丙午丙申丙戌丙子丙寅生于四月及納甲者功名富貴人也

○初六艮其趾无咎利永貞

此爻是得其守正之道者也故叶者從之正而無從逆之凶守之固而得厚終之道雖無發達之美亦免傾危之憂不叶者謙卑是持謹厚是守灾害不生身家可保歲運逢之在仕保守已職而無失在士進取落後庶俗安常守分而不陷於從欲之危

○六二艮其腓不拯其隨其心不快

此爻是僅能成已而歉於成物者也故叶者乃是中正之人才德甚高有志事君而其謀猷難以進用且阻于權樞而其心常懷不歉然雖不能建于世而亦

爲後世所矜式不叶者心無定見邪正相混家難而不知排遣父蠱而不能幹治卓立艱難心緒撓括歲運逢之在仕無扶危持顛之才在士無機會之美在庶俗無小謀之遂或馳他郡而苦于勞役或有足疾而動止不安或爲家患而心有不快

○九一艮其限列其夤厲薰心

此爻是不當止而止失時之極者也故叶者必爲顯宦執柄貪得不足敗君誤國阻隔正路而上下之情不通欺逆之罪難追不叶者富藏金谷必起強梗惡事常行善緣不作歲運逢之在仕顯者必遷要津邊

河洛理數 卷二 三
聞選人立班改職士子前則成名庶俗強梗不順破
損不寧危厲不安數凶者老幼或爲心病或患眼或
腰疾或阻碍刑孝破家

○九四艮其身无咎

此爻是時上而止有不妄動之義者也故叶者鎮靖
安穩藏修謹厚雖不能兼善天下而亦可以成獨善
之志雖不能以濟時而亦可以無僨事之愆不叶者
單身自謀適已自便或爲僧道歲運逢之在仕安職
不可懷出位之思未仕者不可圖倖進之學在庶俗
安分不可懷越分之謀

○六五艮其輔言有序悔亡

此爻是於其言而寡尤者也故叶者有德有言大則
爲輔相爲言路爲大中中奉給事中中書省小則爲
序首庠序之職不叶者而爲陶情吟哦談今說古之
幽人或得朋友親輔麗澤之功而活計可以養身歲
運逢之在仕顯者必獲大位居朝堂之職未顯者則
爲言路之官在士則一言而合主司科名成就在庶
俗則公言足以合人情而謀望遂意若小人當此則
反有唇吻之咎老少難于願養

○上九敦艮吉

此爻是止于至善者也故叶者高風勁節必為大人君子而標準當時福澤厚深不叶者主誠實不浮華或田業之廣壽筭之高歲運逢之在仕遷職在士成名農家進田業商賈獲利在庶俗獲福但復得謙上爻有志未得伸之兆數凶者亦防之

漸卦



○大象曰山下有木漸君子以居賢德善俗

艮宮八世卦屬正月納甲是丙辰丙午丙申辛未辛巳辛卯如生于正月及納甲者功名富貴人也

○初六鴻漸于干小子厲有言无咎

此爻是不得所安無其時而不能進者也故叶者清才賢德入仕以漸而有序非但登科及第而且入言路以為去奸逐佞之臣不叶者亦起立生涯自微積累或涉艱辛或憑口舌如小子之行不躡等歲運逢之在仕多作正言或條陳利害或上本諫諍而為文訟論謫在士無應援汲引之人而進取阻于時在庶俗多遭其窮阨而謀為不阻

○六二鴻漸于磐飲食衎衎吉

此爻是安于祿位之隆而深幸其所遇者也故叶者才高德重足以措國家於磐石之安納君民於和衎

之樂富貴極其長久福澤極其深厚不叶者亦飽煖
衣食爲良善之士或逸而處于岩穴或散而遊于江
湖歲運逢之在仕或食祿祭酒之職在士爲鹿鳴瓊
林之宴在常人爲金谷庖厨之事無往不利隨處皆
安

○九三鴻漸于陸夫征不復婦孕不育凶利禦寇
此爻是不得所安無其德而不能進者也故叶者有
兼人之勇濟世之才文中成各武中有功但艱于妻
子之爲尤不叶者離祖外居弃文就武自高自大親
朋寡合妻子刑尅作事乖違歲運逢之在仕有謫貶
之憂在士有阻滯之虞在庶俗有驚恐之患人情不
睦盜賊侵害

○六四鴻漸于木或得其桷无咎

此爻是遇暴而得所安斯可以無虞者也故叶者德
重能謙位高能讓平生安樂保無傾虞不叶者生計
艱苦常見憂懼去留無定恭儉自約晚有受用歲運
逢之在仕有强暴難制之嗟遷除無定兼用不一在
士秋試可望或發解常人利于修造家給人足而無
驚憂之虞

○九五鴻漸于陵婦三歲不孕終莫之勝吉

此爻是進得君位之正終得賢臣之助而成治功者也故叶者才高德厚功名難發于青年爵祿終膺于晚景不叶者有清譽而處于岩谷足衣足食志願晚遂嗣續晚成歲運逢之在仕多招謗議先暗後明在未仕者始失終得在常人先阻後順老或損壽少或難養數凶者有葬丘陵之兆惟正月生人主大富貴

○上九鴻漸于逵其羽可用為儀吉

此爻是超乎人外者也故叶者有德有言居上可法道義可尊或為一世之表儀或為四方之師表高下欽仰遐邇皆服不叶者多為羽衣僧道之流而功名付於度外或為翼從之輩而富貴難享歲運逢之朝臣大拜足為天下儀刑士子成名有一飛沖天之兆在庶俗得人提舉而謀為卓然禍患不侵福澤永崇

歸妹卦

○大象曰澤上有雷歸妹君子以永終知敝

此是兌宮三世卦屬七月納甲是丁巳丁卯丁丑庚午庚申庚戌如生於七月及納甲者功名富貴人也

○初九歸妹以娣跛能履征吉

此爻是有德而無正應阻于所遇而得因分以自盡者也故叶者有德而無時居下而無應雖不能大有

所爲以享其厚祿亦能小有所就以上承乎君恩不
叶者亦執守有常舍已從人亦起自艱辛或疾患踟
蹰歲運逢之在仕者多助僚長而有政聲在士則有
小試之喜在庶俗則有小德而謀爲頗遂或納婢妾
或投勢豪以求活計

○九二眇能視利幽人之貞

此爻是有德而不遇于君示以守重之道者也故叶
者才德修于已雖不逢乎明主而忠貞靖恭之節確
乎其不可拔不叶者寡學而無名利有道而處山林
財帛豐足福澤固穩或有目疾或好淡靜歲運逢之
在仕職位艱遷選入求改士子不遇機會庶俗守舊
安常禍害不生數凶者幽險之人喪身幽冥之兆

○六三歸妹以須反歸以娣

此爻是無德無應者也故歸妹而爲娣故叶者多阻
於嘉會而不可以有爲小就則可大用則阻不叶者
謀爲迤邐志量淺狹倚托勢豪福澤有限歲運逢之
在仕有降謫之禍在士有待時之困在庶俗有勞役
悲苦之嗟反復進退之憂如元堂值吉主有出妻之
應或納寵婢

○九四歸妹愆期遲歸有時

此爻是守其道而不苟於進者也故叶者正大之才固守其道待時而動科甲無早發之休大器有晚成之喜不叶者雖有大德多逢艱阻或妻遲子晚晚景榮華歲運逢之在仕外方者歸朝待制待用在士進取待時國學待補求仕待闕商旅在外未歸婚姻者未就

○六五帝乙歸妹其君之袂不如其娣之袂良月

幾望吉

此爻是象女德之純而示其風化之善者也故叶者才全德備守古之道寬量容物黜浮從雅功名利達福澤豐隆不叶者迎貴待賤古直良善富而不驕而不貪歲運逢之在仕有陞遷大中中奉給事申中丞等官之兆在士有登科及第之喜在庶俗謀為遂志或婚姻得財或作國賓之貴

○上六女承筐无實士刲羊无血无攸利

此爻是无德无應約婚而不終者也故叶者有才而難獲科甲有貴而難為爵祿有妻而難為子媳不叶者孤苦勞神多謀愈窘歲運逢之在仕徒居虛位而无實祿在士進取徒有虛名而无實勝之善在庶俗營謀皆空老者有喪祭之兆

豐卦



○大象曰雷電皆至豐君子以折獄致刑

坎宮五世卦屬九月納甲是巳卯巳亥巳丑庚午庚申庚戌如生于九月及納甲者功名富貴人也又二月至八月福重餘則福輕也

○初九遇其配主雖旬无咎往有尚

此爻是厚其德之相敵而要其功之相濟者也故叶者以剛大之才當盛明之世同德相濟而豐亨裕大之業可以常保于無虞不叶者恃才傲物招尤啟釁謀為不稱心志刑傷多見于骨內歲運逢之在仕必

遇明主必逢大臣而超遷在士則進取成名多遇已在庶俗得貴人提携謀望克遂凶者作為大過必招禍殃

○六二豐其蔀日中見斗往得疑疾有孚發若吉此爻是有德而見蔽于君之象必示以積誠之占者也故叶者當明盛之時居朝堂之位君雖昏暗而有猜疑忌疾之心在我則誠積內蘊而有轉移化導之術不叶者无所庇蔭孤親寡眷惹謗招疑先逆后順歲運逢之在仕則忠言多阻于邪議而始失終得在未仕者有久淹發達之机在庶俗有久困發財之

美有訟者不辨自明有疾者不藥自愈數凶者或防
長上必有憂悲

○九三豐其沛目中見沫折其右肱无咎

此爻是所遇非其君雖明而無所用者也故叶者雖
有明德而遇暗君大則爲股肱之臣次則爲佐貳之
官但恐有同僚毀傷之咎不叶者傷親破祖秀而不
實或手足有疾小小營謀有才難用歲運逢之在仕
有告休之兆在士有難進之虞在庶俗營謀難遂或
明而受蔽爭訟日起或手足有厄而難于作事

○九四豐其蔀日中見斗遇其夷主吉

此爻是大臣有德而遇非其君而示以同升之吉占
也故叶者有剛明之德而爲柔邪所蔽雖不能自主
以顯其謀猷然同德相爲協力贊助亦可以成其事
功豐亨之時可保福澤之亨無虧不叶者改祖外立
先暗后明多倚貴戚以求活計歲運逢之處於君臣
之間者必有猜忌而位不安在士則遇知己而進取
有賴在庶俗則明而受蔽得人解釋爲吉商旅棄內
就外反有遭際行舟者防折桅之驚

○六五來章有慶譽吉

此爻是勉人君以求賢而因與其有得賢之善者也

故叶者先暗后明虚心積德舍己從人必為顯宦大
貴功名利達福慶豐厚不叶者亦有聲譽文章過人
居朝堂而高爵是庸在士必獲高魁而名成在庶俗
必有好人提舉謀望稱意老者有榮膺官帶之兆

○上六豐其屋蔀其家窺其戶闖其无人三歲不

覲凶

此爻是明極反暗而得凶者也故叶者受祖宗已成
之業而難堪事任恃在己之聰明主作為妄誕終迷
不復灾青難追不叶者主有才無德妄自尊大絕親
離友拘執不定百為成空惟僧道隱於山林則免灾
咎歲運逢之在仕高而招危在士則翱翔於天際之
兆在庶俗則骨肉相殘離祖成家難免訟獄口舌之
憂或困於門戶之咎

旅卦



○大象曰山下有火旅君子以明慎用刑而不留
獄

離宮初世卦屬五月納甲是丙辰丙午丙申巳酉巳
未巳巳如生於五月及納甲者功名富貴人也

○初六旅瑣瑣斯其所取災

此爻是處旅卑猥者也故不免于取災故叶者才猷

出眾而小官薄職亦可以圖求事多艱阻功終微細
不叶者習下爲卑事稍濟遇則驕溢而志張一值蹇
滯則困迫而志窮災來莫測禍至不及歲運逢之在
仕有才力不及之嘆在士有卑污賤陋之嗟在庶俗
有局量褊淺之禍

○六二旅卽次懷其資得童僕貞

此爻是旅道之善者也故叶者文可華國才可濟世
上膺天位之榮不得民心之戴事業崇高德位悠遠
不叶者雖不入仕亦有資才豐盈堂厦華麗童僕繁
多厚福人也歲運逢之在仕顯耀有師旅僕射資政
神童之兆在士則進取成名在庶俗或進修造之舉
或進僕從之喜此爻值者多自立規模外郡營立

○九三旅焚其次喪其童僕貞厲

此爻是旅之高者也故不免凶厲故叶者有剛正之
德出風塵之表貴而無位高而无民好大喜功招尤
啟釁不叶者剛明白恃離鄉改祖動必有悔无所容
立歲運逢之在仕有去職之請在士有喪名之玷在
庶俗有焚廬之殃損人口之厄

○九四旅于處得其資斧我心不快

此爻是得處旅之善而表其憂天下之心者也故叶

河洛理數 卷二
者才德足以爲世用或爲武職而立功于外方多動
少靜難中見易不叶者多爲外賈而獲利奔波險阻
心有不寧歲運逢之在仕必陞外闈而征戰有功顯
者樞相資政在士子進取難爲在爲商者獲利常人
在外者有成立但羨中不足而憂慘傷悲之事作

○六五射雉一矢亡終以譽命

此爻是擬其小有所失而決大有所得者也故叶者
功名發于青年聲聞達於帝側富貴福澤並隆不叶
者亦有文章之美聲譽之著德業廣爲卿里之吉士
歲運逢之在仕爲蒞剡而位居清要在士爲請舉而
名成就在常人發則近尊上老者推恩婦人封誥數
凶者終不可以言吉

○上九鳥焚其巢旅人先笑後號咷喪牛於易凶
此爻是處旅過高者也所以有凶故叶者以剛明之
才處百僚之上但驕亢足以取禍而終難保其安榮
不叶者或流于羈旅或奔于道途喪家辱身終難受
福歲運逢之在仕難保其位有先得後失之嗟在士
有飛騰之兆在庶俗好中有損或移居修造以避災
青或日疾火殃之危或仕進登憂大抵先見縈處乃
禍之根也

巽卦

○大象曰隨風巽君子以申命行事

巽宮本世屬四月納甲是辛丑辛亥辛酉辛未辛巳辛卯如生於四月及納甲者功名富貴人也在春夏長養為福重

○初六進退利武人之貞

此爻是擬以不果之象而因示以果斷之占者也故叶者沉潛而不能剛克多文中成名武中立功棄內出外決意遠圖先逆後順不叶者自處卑下進退无定小小營為則可大謀則招灾害農工商技亦棄本

逐末常得工人之力歲運逢之在仕則宜右選或有差除進退不一或有兼權難中有易在士則利于武選文選則有阻在庶俗營為有得有夫凶者多招疑謗

○九二巽在牀下用巫紛若吉无咎

此爻是有得於臣道之純者兩有以善之者也故叶者大德辨才接人以謙切名顯達爵位崇高在貴人吉兆甚多如史巫字義有太史御史之官又得中字義有大中中奉給事中中書省之類不叶者小小規模或為巫医僧道心緒多端卓立不一歲運逢之在

仕有遷除非言路則在 史館士子成名庶俗則誠實
感人而謀圖利達凶者 有巫祝之祭

○九三頻巽吝

此爻是不能巽者故無 以免其咎也故叶者過剛不
中無下人之資挾人之 勢高焉而不能自卑亢馬而
不能自屈志意窮極為 世所忌不叶者多適已自便
招釁啟尤志驕意悍窮 迨難容歲運逢之在仕有謫
降之嗟在士有損失之 虞在庶俗有窮困之阨宦途
有差遣者或兼用或再 幹屢得屢失羞吝難免

○六四悔亡田獲三

此爻是不見害於人而 因表其獲多取之功也故叶
者清才美譽柔順謙恭 或為三公大夫大祀山川社
稷之大祀或為總制軍 門而有戰勝攻取之畧不叶
者亦先難後易雖非仕 路之賓亦不失為田舍翁豐
衣足食安樂自如歲運 逢之在仕大用或為邊閫以
總制三軍或為祭酒在 士功名成就在庶俗獲利獲
福

九五貞吉悔亡无 不利无初有終先庚三日後

庚三日

此爻是君德之未純既 舉其得正之功復示其更化

之善也故叶者矯偏以
之深謀爲之審謀猷難
叶者先難後易峻祖外
龍大用亦清譽結果歲
後順三日先後皆刻期
職之兆其餘人謀望皆
成名常人獲利獲福

○上九巽在床下喪
此爻是過於巽者也故
者心平氣和謙恭是以

歸於正損過以就乎中思慮
發於初年功業終於晚景不
正事見重疊謀爲反復雖不
運逢之在仕雖有遷除先阻
之日事有兼權中正字爲官
任轉移之方无初有終士子

其資芥貞凶
失其陽剛之德以取凶故叶
服強暴巽順足以服剛很雖

不能見用於明世亦可以明哲以保身不叶者器識
鄙陋圖謀艱辛凶災難除歲運逢之在仕有罷軟之
嗟在士有上窮之損在庶俗有損疾之虞但變得并
上爻之佳凶中有救絕處逢生反有成功之喜

兌卦

○象曰麗澤兌君子以朋友講習

純兌卦屬十月納甲是丁巳丁卯丁丑丁亥丁酉丁
未如生於十月及納甲者功名富貴人也

○初九和兌吉

此爻是和以處衆斯得民心之應者也故叶者神情

疑遠器宇冲和道德潤身傳心聖賢之學文章華國
耀乎星河之煥功名早遂福澤愈洪不叶者安常處
順和光同塵雖无爵祿之榮亦有田園之廣歲運逢
之在顯仕者臣鄰賡歌于一堂之上次則同寅忝恭
而政事有聲在士朋友有麗澤之益而且利于進取
在庶俗人情和合而百謀皆遂在夫婦有相守之宜
數凶變困初爻有幽冥官訟之兆

○九二孚兌吉悔亾

此爻是人臣一誠以結乎君心斯得之尊而无媚悅
之非者也故叶者才德誠信之至上可以得乎

君下可以得乎民事功
字不叶者亦能結交以
不生歲運逢之在仕有
在庶俗有百為和順之
者由是而和鮮

于一世聲名播及于海
爭以和吉祥登至休咎
之兆在士有進取之喜
昧者由是而光明結構

○六三來兌凶

此爻是佞悅以取凶者也故叶者上結勢權下交富
豪雖不能振拔有為以高大其事功而贊助有賴亦
可以安守其職業不叶者阿順為榮逢迎為悅非惟
不足以得人之與而且有以取天下之惡淪於污濁

難免耻辱歲運逢之在仕有邪媚諂瀆之尤在士有
奔兢之嗟在庶俗有詭隨苟合之禍甚則失道忘身

○九四商兌未寧介疾有喜

此爻是絕邪以忠君而獲福之隆者也故叶者多見
其去邪遠奸親賢讓能物至而善于揆度德立而介
然有守事功立于可大德業衍于无窮不叶者混于
賢否之間趨向无定心事有不寧之嗟作爲无變通
之美先逆後順僅可支持歲運逢之在仕必居要津
而爲逐佞之謀遷陞有賴在士有進選之喜商賈獲
利常人進人口次則疾病少安心志未寧

○九五孚于剝有厲

此爻是人君有所恃而誤用奸邪以招害者也故叶
者有陽剛之德居崇高之位但誤用奸邪而事功有
傾覆之危不叶者立志无定或正或邪任意妄作委
任非人招尤啟釁損益不一歲運逢之在仕有讒邪
之謗在士有失奪之嗟在庶俗有陰邪擾害

○上六引兌

此爻是專務悅人者也故叶者上引君子正道下引
民以悅澤和氣薰於九有福澤履于不替不叶者爲
奸邪蠱惑之人爲世所忌而謀望未光歲運逢之在

仕爲引宰爲引道同聲相悅于朝堂在士爲引進爲
引領但上達有未光之欠在庶俗爲和光同塵而營
謀不顯甚則害眸之厄或受污濁之類

渙卦



○象曰風行水上渙先王享于帝立廟

離宮五世卦屬三月納甲是戊寅戊辰戊午辛未辛
巳辛卯如生於五月及納甲者功名富貴人也

○初六用拯馬壯吉

此爻是濟天下之渙而得陽剛之助而渙无不濟之
者也故叶者有才有德力於行道進取多遇乎知己

有謀必得平加會人心歸服國勢奠安不叶者亦
易起家不甚勞力出乘車馬得人扶持歲運逢之在
仕陞遷之速有五馬戎馬之兆在士有飛騰之應在
庶俗得尊上提舉而謀爲皆遂

○九二渙奔其机悔亡

此爻是所據得其地而濟渙之心可慰矣故叶者有
剛中之德當渙散之秋乘机觀變而匡濟之功可成
養銳畜威而興復之謀可就先涉艱苦後見平易不
叶者必離祖奔逐自營獨修勤苦艱辛初年失志安
靜豐泰晚景得願歲運逢之在仕或爲百僚之長執

權柄之重登壇拜將運籌帷幄士子成名常人成家
謀望者合志僧道受恩數凶奔波失脫逃亡

○六三渙其躬无悔

此爻是人臣許身以濟難斯无可咎者也故叶者矯
偏以歸於正損過以就乎中不爲一身之謀而有天
下之慮上足以拯君之艱下足以救民之溺非小器
淺量者比也不叶者遠親向踈離祖業立外基无榮
无辱亦是近上之吉人或爲僧道修心養性歲運逢
之在仕朝中者必轉遷外郡進取者不利州縣而外
試則遂有禍阨者必散在國學者必出身常人獲利

○六四渙其羣元吉渙有丘匪夷所思

此爻是有見于人臣尊主之象而深致其許焉者也
故叶者見識高遠德大望重散朋黨之私立匡世之
業上膺君寵下一民心信非常人思慮所能及不叶
者亦才德出眾有名有利但多聚散不一心持二思
志無定守歲運逢之在仕爲百官之長或郡縣之主
在士則爲超羣而魁元可得在庶俗先凶者散謀望
者合求利者獲數凶者則不利益有丘墓之兆

○九五渙汗其大號渙王居无咎

此爻是班王師而廣王澤君道無忝者也故叶者位

高任重道大德宏威聲遠著于華夷惠澤覃孚于九
 有事功顯赫福澤寬洪不叶者志大心高好勝出眾
 縱非富貴亦有聲譽歲運逢之在仕有陞遷之榮未
 仕者宜進取有凶者散求利者遂蓋玉居王字有大
 魁大拜大夫王公起居舍人正奏正言之兆

○上九渙其血去逃出入无咎

此爻是大臣兩有濟渙之功斯无愧于臣道者也故
 叶者才大識廣忠肝義膽救天下之險難拯斯民之
 陷溺功成業就祿重位尊不叶者度時而進知机而
 退邀遊遠方卓立外郡出險為夷易危為安歲運逢

之在仕朝中者外選武將靖難在士有出潛離隱之
 兆在庶俗有出險就安之美在訟獄者必散在疾厄
 者必愈在幽暗者必明數凶有血氣泣血之殃

節卦



○象曰澤上有水節君子以制數度議德行

坎宮初世卦屬十一月納甲是丁巳丁卯丁丑戊申
 戊戌戊子如生於十一月及納甲者功名富貴人也
 ○初六不出戶庭无咎

此爻是因時以自守斯無枉道之辱者也故叶者學
 足而貫古今識廣而知通塞顯仕則不出於內京或

河洛理數 卷二
爲門下平章或戶部或內翰次則不出於州縣以理人丁戶口之任不叶者或謹守正道不爭不競或拙守祖業无灾无害歲運逢之在仕入朝中者不出外郡閑居亦不遷士人進取不利常人守舊數凶者有坎陷之兆

○九二不出門庭凶

此爻是守已昧時而深著其不善之占者也故叶者有才而不知設施遇時而不知進取懷宝迷邦潔身亂倫不叶者鄙吝拘革不通人情困守无爲難免尤悔歲運逢之在仕有失時之厄在士無援引之人而

難於進取在庶俗有不通之禍有謀者當幹不幹在家者當出不出大抵宜動不宜靜不出門故也

○六三不節若則嗟若无咎

此爻是不能節以自致其憂者也故叶者雖居位食祿但不能節以制度未免傷財害民而自貽悲戚不叶者專行邪媚躡等犯分衣食无餘終遭阻滯歲運逢之在仕有窮奢極欲之厄在士有不恒其德之差在庶俗有費出不經之嗟

○六四安節亨

此爻是大臣能順其君而輔治之功成矣故叶者則

君以自治而不忘乎憲章之法事君以自顯而不忘乎效順之節名位于是乎永保福祉于是乎永綏不叶者亦平生安穩而無傾覆之患在婦人能任承夫子以克家歲運逢之在仕或上承天寵下撫八方節制承直承務女子或為安人節婦在士有遵王章之喜而名可成在庶俗奉公承上而福可獲

○九五甘節吉往有尚

此爻是能安節之善而兩有以嘉其占者也故叶者制度數謙德行推之無不準動之無不化事功顯立于當時名譽昭垂于千古不叶者不爭不競不奢不華樂道安貧謹身節用歲運逢之在仕則遷擢其節字中字居字為節制起居大中之類未仕者有上達之美在庶俗謀望遂意

○上六苦節貞凶悔亡

此爻是節之大甚而自招尤者也故叶者恭儉自持廉潔自守省費以示天下之朴崇簡以節天下之流雖若拂乎人情物理之宜亦不至傷財害民之嗟不叶者鄙吝之徒縱有先業不知變通人情寡合悔尤難道歲運逢之在仕有過執之尤在士有過疑之嗟在庶俗有失度之愆求名望利皆無益也老者不利

壽

中學卦

象曰澤上有風中孚君子以議獄緩死

艮宮四世卦屬八月納甲是丁巳丁卯丁丑辛未辛巳辛卯如生於八月及納甲者功名富貴人也

○初九虞吉有他不燕

此爻是著以從正之善因示以貞一之道者也故叶者柔順而中精誠而明啓沃得其人而道德昭崇高之美輔翼有其助而事功極豐隆之盛不叶者動靜無常趨向不一謀望多不協于思惟身世不得於燕

安歲運逢之在仕有荐拔之美在士有汲引之佳在庶俗則貴人提舉而謀克遂但喜中有憂甚至人財破損凡在士庶之類欲有為者宜操守以圖其成不可宴安以視其敗

○九二鳴鶴在陰其子和之我有好爵吾與爾縻之

此爻是兩擬其同德相孚之象者也故叶者志同于上下之交心契于明良之會不惟建明盡善以彰其美于前且接武有人而傳其盛于後不叶者德行可尊文章可法貴人提携賢子承襲清高一世災害不

生歲運逢之在仕者進職未仕者願遂在庶俗則獲
利益生于或壽命無往不利也惟老者有疾在陰之
兆也

○六三得敵或鼓或罷或泣或歌

此爻是不能有所主者也故叶者內無賢父兄外無
賢師友以致德業無成執守不定雖處富貴之地亦
或鼓而起或罷而止或泣而怨或樂而歌不叶者誠
信少詐偽多成敗進退艱寡孤獨歲運逢之在仕則
同僚不睦或先進職或後退位在士庶或喜中有憂
或悲中生樂求名謀利得天相仍

○六四月幾望馬匹亡无咎

此爻是大臣履盛忘私以事君斯無負于責者也故
叶者散其私黨賓于王庭秉精白以承休篤忠貞以
效命勢不招而自集而望隆于百僚之尊權不張而
自大而寵冠于羣工之表不叶者徒有机謀而志難
遂縱有員成之時復有缺損之日或婚姻有傷或父
親有損歲運逢之在仕有高遷之榮在士有步月之
慶在庶俗有上人提拔之休但謂之馬匹亡者有失
配偶或喪馬匹之憂

○九五有孚攣如无咎

此爻是君臣以相信而無所失者也故叶者至誠盛德治邦而民斯從感物而物斯應涉險則險斯平動天則天斯助享大福立大功富貴特其餘事不叶者亦有德之人上者敬信下者服從享用豐足壽筭優長歲運逢之在仕則君臣一心而寵任加在士則進取成名在庶俗則人情和合而百謀克遂无往不利

○上九翰音登於天貞凶

此爻是信非所信不能變則反誤于信者也故叶者科甲發于青年名位極其崇高但多執一无變難于長久不叶者家本微而驟興勢本弱而乍強執物不通灾害難免惟身居洞天足達天台清虛樂天之吉利也歲運逢之在仕有近天顏之喜在士有名登天府之兆在常人則爭高抑強而困迫無路在商賈或招損數凶者壽不長年

小過卦



○象曰山上有雷小過○君子以行過乎恭喪過乎哀用過乎儉

兌宮四世卦屬二月納甲是丙辰丙午丙申庚午庚申庚戌如生於二月及納甲者功名富貴人也

○初六飛鳥以凶

此爻是宜下之義而自招孽者也故叶者功名發于科甲官位極于台閣上承天寵下係民望但多志驕意滿自孽難活不叶者恃勢傲物招尤啓釁破家殞命追悔莫及歲運逢之在仕則有驟進取禍之尤在士則有一飛冲天之兆在庶俗則有好招損之危

○六二過其祖遇其妣不及其君遇其臣无咎此爻是盡人臣之分而與其可以寡過者也故叶者文章智畧蘊于已而有超衆蓋世之譽守正安分以事君而無犯分越禮之愆不叶者謙恭自持謹厚是守遇知已而謀望克遂繩祖武而家聲益振歲運逢

之在仕則克盡已職而高遷如願在士則見遇主司而進取有成在庶俗則貴人汲引而凡謀克遂或得陰人之利數凶者有妣號之兆多傷母也

○九三弗過防之從或戕之凶

此爻是失防陰之道而陰禍之必至者也故叶者禍未至而先爲之備害未生而先爲之防剛德足以服人明哲足以保身不叶者自恃剛強多招妬忌禍害迭生身家難保歲運逢之在仕防陰邪之害在士防停降之虞在庶俗防陰禍和孽之傷

○九四无咎弗過遇之往厲必戒勿用求貞

此爻是過乎恭不致于驕傲以招亢者也故叶者位高而處之以卑功高而居之以讓上不亢于君下不驕于民隨時變通福澤深厚不叶者亦不失謹厚之士平易安靜無榮無辱歲運逢之在仕安常守職而無虞在士多于際遇而利于小試在庶俗安貧守分而無擱弊之嗟

○六五密雲不雨自我西郊公弋取彼在穴

此爻是乖乎宜下之道而無成功者也故叶者才大而阻于機會志高而限于時勢雖不能大有所爲亦可以圖其小就不叶者驕亢自恣人情乖戾僻處幽居志願莫遂歲運逢之在仕有告休之危士之在岩谷者有見取於王公之兆常人不利于遠謀而守舊爲佳惟老者病者皆不宐也

○上六弗遇過之飛鳥 離之凶是謂災青

此爻是過之已亢而招禍者也故叶者驕盈自恣而不勝其矜已誇人之念高亢自持而不勝其恃勢傲物之私功名雖得于志願而福澤終難於已有不叶者恃强妄作貪高圖遠災害並至身家難保歲運逢之在仕有過剛則折之嗟在士有飛騰之兆在庶俗有越分致孽之尤甚則變於上爻有服制之憂

既濟卦 一一二二

○象曰水在火上既濟君子以思患而豫防之
坎宮三世卦屬正月納甲是巳卯巳丑巳亥戊申戊
戌戊子知生于正月及納甲者功名富貴人也

○初九曳其輪濡其尾无咎

此爻是兩擬其謹始之象而因善其占者也故叶者
制治于未亂而邦家可以享无疆之休固存于未亡
而社稷可以獲无虞之慶功業偉茂爵位崇高不叶
者心明志巧進退无定机会多遲名利无實歲運逢
之有職未受有任未登營為進取欲動未動將濟不

濟謹戒俟時可保无虞

○六二婦喪其茀勿逐七日得

此爻是其有德而不見用之象而因示以守重之道
者也故叶者德蘊於已足以為黼黻皇猷之治道積
厥躬足以為施張治具之本始雖難行其道而志願
未遂終必會逢其適而功業晚成不叶者識見有定
執守有常早歲鬱抑艱難老年衣食豐足歲運逢之
在仕有先逆後順之美在士有先失後得之佳在庶
俗有先難後易之休數凶者喪亡之兆

○九三高宗伐鬼方三年克之小人勿用

此爻是擬以行師之象而示以任將之道者也故叶
者才猷雖畜于有素功效則難於速成大則爲將師
之戒小則爲督捕之任不叶者率意妄爲欺公用上
不用則怨生用之則驕盈好爭喜頌力疲財匱歲運
逢之在仕有差遣征伐之舉在士進取有久而後克
之嗟在庶俗有結怨爭頌之損

○六四繻有衣袽終日戒

此爻是大臣思患而預防之可以得保治之道者也
故叶者岙危于安而驚天動地之謀旣无所不用其
極制亂於治而戒謹恐懼之念无所不致其全富貴

可保於无虞福澤可享于悠久不叶者亦不失爲謹
厚之士多疑多慮防虞杜怨衣食充足歲運逢之在
仕有預防之計而爵祿穩固在士養之有素而進取
无辱在庶俗有活計有備用而无傾覆之危行舟者
隙漏之驚

○九五東鄰殺牛不如西鄰之禴祭實受其福

此爻是人君處時之過不如人臣得時于下者也故
叶者周思遠慮而事不敢以輕動持盈守成而法不
敢以輕變旣濟之業可保于无虞大有之福可享于
无疆不叶者多務華靡而少誠實終无益於世教損

沉沙玉璽 卷二
物害人身家難全惟山林幽客可受其福歲運逢之
在仕必居宗廟祭祀之職而有過時招尤之失未仕
者有從事失時之厄在庶俗謀遠則成虛謀近則有
實謀望者不利東方而利於西也

○上六濡其首厲

此爻是才足以濟世擬其象而危其占者也故叶者
安而不忘危治而不忘亂天命永固人心永懷而既
濟之業不致于終亂不叶者志高意滿恃才妄作天
厭人怨喪亡无日歲運逢之在仕有過高則折之屬
在士有沉溺難進之危在庶俗有小人濡染之患行

舟者防溺水之患

未濟卦



象曰火在水上未濟君子以慎辨物居方

離宮三世卦屬七月納甲是戊寅戊辰戊午巳酉巳
未巳巳生於七月及納甲者功名富貴人也

○初六濡其尾吝

此爻是无才无德无時而難以有濟者也故叶者雖
有經濟之才難逢機會之美守巳安分榮辱不加不
叶者身微運弱妄動輕舉或學小成有頭无尾心不
知足危殆難免歲運逢之在仕路險阻不能前進或

士進選或得末榜常人經營終不稱意涉水行舟謹防濡溺

○九二曳其輪貞吉

此爻是能守臣道之正而深與之者也故叶者宅之以中順之心持之以謹畏之念上焉見信于君而寵渥不衰下焉見信于民而名成不毀不叶者亦不失為謹厚之士和以處衆與物无忤中以行正而處事不偏財祿衣食豐足不欠歲運逢之在仕克難厥職而得寵任之專在士有上往不前之吝在庶俗則安常守分而謀望遂不可妄行取困

○六三未濟貞凶利涉大川

此爻是才弱不足以有為惟因人可以濟事者也故叶者多拙於守己而力不能為而所以經濟其世者有弗克負荷之愆然樂與從人則人為我格而靡以鼓舞其利者有倡和成能之美不叶者柔奸陰險寸步難行可與同患難不可與同安樂歲運逢之在仕則已德不足而有因人成事之美在士則有尚往不勝之吝在庶俗則有摧抑之患在商旅則涉川歷險而利可獲登山陸走者不宜

○九四貞吉悔亡震用伐鬼方三年有賞于大國

此爻是勉其從正之效而必象其成功之難者也故
叶者變化氣質之偏求合中和之正發科甲雖遲受
恩光則大不叶者亦是能遷善改過之人得貴人提
舉之力謀遂志行无往不滅歲運逢之在武職或有
闡外之寄而專征伐在文職則位極人臣功高天下
而受恩錫之重封誥之榮士子進取有魁元之兆常
人獲利必得好人提舉數凶者有鬼錄之慘

○六五貞吉无悔君子之光有孚吉

此爻是六君得資之佐而因與其成德之美者也故
叶者求賢理政而贊化出治之有賴文章事業煥赫
於當時而為休休斷斷之大臣不叶者亦正大高明
之君子大業隆富有之盛景福有昌熾之美歲運逢
之在仕必有超選之榮在士亦必有文光之喜在庶
俗則謀為光顯而金帛有積蓄之休

○上九有孚于飲酒无咎濡其首有孚失是

此爻是能善順乎天命而因戒其當尽人事也故叶
者有拯溺亨屯之才當亂極復治之日上有以疑天
休下有以一民心事功著於當時名譽隆于昭代不
叶者縱慾而不知節悖義而不知反覆墜之易成立
之難歲運逢之在仕必超遷而有祭酒知府節度使

